



## RESOLUCIÓN DA SELECCIÓN DE PROXECTOS DO FONDO DE PROXECTOS CULTURAIS XACOBEO 2021

Modalidade: Xacobeo, turismo, xeografía, paisaxe, gastronomía, usos e costumes sociais

### I ANTECEDENTES

1 Mediante a Resolución do 22 de maio de 2020, da Secretaría Xeral de Política Lingüística da Consellería de Cultura e Turismo, aprobáronse as bases para presentar creacións culturais, bens ou servizos de consideración análoga, coa finalidade de configurar un fondo de contidos creativos de interese cultural e artístico, lingüístico e turístico denominado Fondo de proxectos culturais Xacobeo 2021(Fondo X21).

2 O anuncio da convocatoria e as bases publicáronse na páxina web da Secretaría Xeral de Política Lingüística o 23 de maio de 2020 para que as persoas destinatarias presentasen as súas iniciativas que, segundo a base 9 da indicada convocatoria, son as persoas físicas ou xurídicas que teñan plena capacidade de obrar e que non estean incursas nalgunha prohibición de contratar, que teñan domicilio fiscal na Comunidade Autónoma galega e que acrediten que as actividades profesionais das persoas físicas ou o obxecto social das persoas xurídicas inclúen a xestión cultural e/ou artística, en concreto:

- a) Empresas culturais e/ou artísticas
- b) Cooperativas culturais e/ou artísticas
- c) Entidades ou institucións privadas de carácter cultural e sen ánimo de lucro que contén con persoal empregado nas súas estruturas organizativas
- d) Profesionais do sector cultural e artístico galego

### II CONSIDERACIÓNS TÉCNICAS E XURÍDICAS

1 A base 12 da convocatoria prevé que a selección de proxectos será realizada por unha comisión técnica de análise integrada por tres persoas expertas designadas





pola persoa titular da Secretaría Xeral de Política Lingüística da Consellería de Cultura e Turismo para cada modalidade das previstas nestas bases.

2 O día 27 de maio de 2020, mediante un acordo do secretario xeral de Política Lingüística, nomeáronse as persoas técnicas que integran as tres comisións técnicas das tres modalidades do Fondo Xacobeo 2021. Na primeira das tres modalidades inclúiranse os proxectos musicais, audiovisuais e de artes escénicas. Na segunda terán cabida os proxectos para dinamizar a lingua galega, o patrimonio cultural e os proxectos editoriais, literarios e expositivos. A última das modalidades está dirixida ao ámbito xacobeo, turístico, xeográfico, paisaxístico, gastronómico e de usos e costumes sociais.

A convocatoria prevé que os proxectos seleccionados se publicarán periodicamente para cada modalidade mediante unha resolución do secretario xeral de Política Lingüística na web [www.lingua.gal](http://www.lingua.gal). Nela indícarase, por orde de prelación, a puntuación obtida por cada proxecto seleccionado. Tamén se publicarán os proxectos non seleccionados e, de ser o caso, os motivos de desistencia ou rexeitamento.

A publicación dos proxectos seleccionados non xerará dereitos económicos en favor das persoas interesadas ata que se formalice a adxudicación administrativa e, de ser o caso, o contrato correspondente, de acordo coa normativa contractual que resulte de aplicación.

En virtude do exposto, e de acordo co informe de valoración de cada proxecto e o protocolo de actuación do 1 de xuño de 2020 da comisión técnica de análise dos proxectos para obxectivar os criterios de selección,

#### RESOLVO:

1 Seleccionar os proxectos da modalidade de Xacobeo, turismo, xeografía, paisaxe, gastronomía, usos e costumes sociais que a continuación se indican e, así mesmo, iniciar os trámites para a súa contratación:





SOLICITANTE	OBXECTO / TÍTULO	FORMATO	ORZAMENTO
PÍO GARCÍA AUDIOVISUAIS SL	Documental da costa da provincia de Pontevedra, desde A Garda ata Catoira	DIXITAL	10.000,00
A DISONANTE CULTURAL, S. COOP. GALEGA	“Cantares de tradición oral no Camiño Portugués”: 4 concertos didácticos en lugares do Camiño Portugués, cun repertorio recollido da tradición oral das comarcas por onde pasa	PRESENCIAL / MATERIAL	9.837,30
PEDRAS DE CARTÓN – JUAN RODRÍGUEZ SANTIAGO	Gravación de 4 capítulos baseados no “Lazarillo de Tormes”, trasladados á Galicia actual	DIXITAL	4.000,00
SETEOITAVAS SOCIEDADE COOP. GALEGA	Deseño de entornos virtuais inmersivos mediante fotografías esféricas con contidos para a interpretación do territorio	DIXITAL	7.842,00
BAOBAB TEATRO SL	“Roque Roquiño descubre o Camiño”: espectáculo teatral de monicreques onde o peso recae na lingua e no seu uso	PRESENCIAL / MATERIAL	9.989,00
SAAVEDRA CALDERÓN DE LA BARCA SL	“Turisteando cos miúdos”: Xogo infantil interactivo para coñecer a riqueza cultural e turística da provincia da Coruña	DIXITAL	9.892,80
OUVIRMOS SL	“Xoguetes Naturais”: 5 Video-titorais para facer xoguetes tradicionais	DIXITAL	9.998,23
FRANCISCO JAVIER ZABALETA ESTÉVEZ	“Augas Santas: a terra dos druidas”: Documental sobre a historia e a riqueza paisaxística, arqueolóxica, etnográfica e turística de Santa Mariña de Augas Santas, en Allariz	DIXITAL	4.000,00
ROI FERNÁNDEZ ALONSO	“Xacobeando con Chola & Lola”: miniserie na que, a través de 10 capítulos de 2 minutos cada uno, achegará a experiencia do Camiño de Santiago en 10 etapas, conducidas pola personaxe de Chola, unha blogueira, piloto de rallies e youtube	DIXITAL	9.930,71
SUSEIA, S. COOP. GALEGA	“O Camiño Francés a través da súa toponimia”	DIXITAL	9.642,25

A partir da publicación desta resolución na páxina web e dentro do ano natural 2020, as persoas solicitantes dos proxectos seleccionados, segundo a relación prevista no parágrafo anterior, recibirán unha notificación formal da resolución de adxudicación da persoa titular da secretaría xeral de Política Lingüística. Nela, indícaránselles as características esenciais para a adquisición das creacións culturais, lingüísticas e/ou artísticas e/ou dos bens culturais seleccionados e, igualmente, as condicións para a execución doutros servizos; e, así mesmo, de ser o caso, o prazo previsto para formalizar o contrato correspondente e a forma de facturación e de pagamento. logo da correspondente xustificación.





2 Desestimar os seguintes proxectos:

SOLICITANTE	OBXECTO / TÍTULO	ORZAMENTO	PUNTUACIÓN CALIDADE (mínimo 35 puntos de 75)	CAUSAS DE DESESTIMACIÓN	FORMATO
MACAVI A GUARDA SL	Organizar as festas do monte de luns a xoves en apoio á asociación	9.922,00	NON VALORADO	Memoria descriptiva que careza de claridade ou dunha descrición suficiente para a súa adecuada valoración	PRESENCIAL / MATERIAL
CARLOS MARTÍNEZ CARBONELL	"O teu Camiño – Ourense"	3.999,05	32,00 puntos	Puntuación insuficiente	DIXITAL
ALBA FERNÁNDEZ ÁLVAREZ	"Imaxe no teu camiño – Ourense": ilustracións e imaxes artísticas e iconográficas	3.999,05	32,00 puntos	Puntuación insuficiente	DIXITAL

3 Excluir os seguintes proxectos:

SOLICITANTE	OBXECTO / TÍTULO	ORZAMENTO	CAUSAS DE EXCLUSIÓN	FORMATO
ANTAXURADA SL	"Tesouros vivos no Camiño de Inverno": Edición audiovisual e difusión do patrimonio inmaterial na voz dos seus portadores	9.982,50	EXCLUÍDO por figurar dúas empresas na proposta (que xa existe como proxecto dunha delas).	DIXITAL

A presente resolución esgota a vía administrativa e as persoas interesadas poderán interpoñer un recurso potestativo de reposición ante a persoa titular da Secretaría Xeral de Política Lingüística, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas (BOE do 2 de outubro de 2015), ou ben interpoñer directamente un recurso contencioso-administrativo ante o Tribunal Superior de Xustiza de Galicia, no prazo previsto legalmente.

Santiago de Compostela, na data de sinatura dixital deste documento

O secretario xeral de Política Lingüística

Valentín García Gómez

